

中國歷史地理文獻輯刊

類書類地理文獻集成

第八編

十四

上海交通大學出版社

資源共享
PDG

中國歷史地理文獻輯刊

類書類地理文獻集成

第八編

十四

上海交通大學出版社

類書類地理文獻集成

本冊目録

[illegible]

(明)徐炬輯

新鐫古今事物原始全書

明萬曆二十一年刻本

新鐫古今事物原始全書堪輿輯要卷之三

明 臨安徐炬明夫采輯
仁和張棟仲明校正

京師

帝王世紀曰夏曰邑商周曰京師注云京大也師衆也大眾所居故名天子所居曰京師按漢唐宋並建兩京然漢皆以長安為西京洛陽為東京宋以汴梁為東京以洛陽為西京我朝以南北兩京為稱蓋跨江之南北各為一大都會兩京

新鐫古今事物原始全書 卷三 一 類書類地理 文獻集成

北京古幽薊之地左環滄海右擁太行北枕居庸南襟河濟形勝甲於天下誠所謂天府之國也遼金元雖常于此建都然皆以夷狄入主中國不足以當形勢之勝至我太宗文皇帝乃龍潛于此及續承大統遂建為北京而遷都焉于以統萬邦而撫四夷真足以當形勢之勝為萬世不拔之鴻基自唐虞三代以來未有過焉建置沿革順天府按禹貢冀州之域天文尾箕分野高暢氏謂之幽陵陶唐曰幽都虞為幽州夏殷省幽入冀又為冀州地周復置幽州武王封堯後于薊封

召公奭于燕即此秦為上谷漁陽二郡地漢初為燕國又分置涿郡元狩中改燕國為幽州元鳳初改為

廣陽郡本始初更為廣陽國東漢省廣陽合上谷光初復立廣陽郡後魏郡立幽州治薊三國魏為燕國晉改范陽國後魏於薊立燕郡又於郡置幽州北齊于幽州置東北道行臺後周改置燕及范陽二郡兼立總管于幽州隋開皇初郡廢州存後省州入涿郡唐武德初改為幽州總管府開元間改州為范陽郡乾元初復為幽州遼陞幽州為南京幽都府後改幽都為析津府宋宣和中改名燕山府尋復入金稱

新鐫古今事物原始全書 卷三 二 中國歷史地理 文獻輯刊

燕京改號中都以析津府為大興府元初為燕京路號大興府至元初建中都後改為大都路本朝洪武初改為北平府永樂初改為順天府領四州二十三縣

南京古金陵之地自周末時已有王氣始皇秦氏謂東南有天子氣諸葛亮謂龍蟠虎踞真帝皇都即此地也吳晉宋齊梁陳及南唐雖嘗于此建居無功以嘗之僅保一隅不能混一天下至我

太祖高皇帝功德隆盛奄有四海乃定鼎于此為京師始足以當形勢之勝永樂初于北平肇建北京正

統中以北京為京師遂以此為南京實根本之重地建置沿革按禹貢揚州之域天文分野春秋屬吳戰國屬越後屬楚上威王初置金陵邑因其地有王氣埋金以鎮之故名始皇以金陵有都邑之氣改曰秣陵屬鄣郡漢改鄣郡為丹陽郡武帝後揚州刺史治此吳自京口徙都于此改為建業晉平吳改建業為秣陵尋分秣陵北為建業改業為鄴建興初改為建康東晉元帝復都此置丹陽郡宋齊梁陳因之隋平陳廢郡更于石頭城置蔣州唐武德初置揚州後復為蔣州又為揚州大都督府尋罷至德初置江寧

新鐫古今事物原始全書

卷三

三 類書類地理文獻集成

郡乾元初改為昇州後廢復置五代時吳楊建大都督府尋改為金陵府又改為江寧府南唐李氏都之宋復為昇州仁宗陞為江寧府建康軍節度高宗改為建康府建行都置行官留守元正中改為建康路元貞初立江南諸道行御史臺天曆初改集慶路本朝丙申年改為應天府領七縣

十三省

山西山東河南陝西浙江江西湖廣四川福建廣東廣西雲南貴州各置承宣布政使司

邦畿

詩云邦畿千里注云畿與圻同左傳云天子之地一圻王畿之外五百曰侯畿曰甸畿曰男畿曰采畿曰衛畿曰蠻畿曰夷畿曰鎮畿曰蕃畿其上九畿相去各五百里按成周之時立司馬之官設六軍之衆因井田而制軍賦地方一里為井井十為通通十為成成方十里成十為終終十為同同方百里同十為封封十為畿畿方千里有稅有賦稅以足食賦以足兵故四井為邑四邑為丘丘十六井也有戎馬一匹牛三頭四丘為甸甸六十四井也有戎馬四匹兵車一乘牛十二頭甲士三人卒七十二人干戈備具是為

新鐫古今事物原始全書

卷三

四 中國歷史地理文獻輯刊

乘馬之法天子畿方千里提封百萬井定出賦六十萬井戎馬四萬匹兵車萬乘故稱萬乘之主一同百里提封萬井定出賦六十四百井戎馬四百匹兵車百乘此卿大夫采地之大者也是為百乘之家一封三百六十里提封十萬井定出賦六萬四千里戎馬四千匹兵車千乘此諸侯之大者也是謂千乘之國

都邑

釋名曰國君所居曰都帝王世紀曰太昊都陳此稱都之始也許氏說文云有先君之舊宗廟曰都史記

貨殖傳曰殷人都河內周人都河南唐人都河東夫三河者天下之中王者所更居也故洛陽稱東都長安稱西都東平府稱中都西川稱成都陳大猷曰成王都鎬京居天下之至險復居洛邑居天下之至中謂之東都朝諸侯而定鼎焉朱子曰冀州正是天地中間好風水山脉從雲中發來雲中正高脊處脊西之水西流入于龍門西河着東之水東入于海前黃河右華山至中為嵩山是謂前案泰山聳于左淮南諸山為第二重案江南諸山為第三重案觀是言也則知古今建都之地莫過于冀州可知矣就朱子風

水之說不見于經典起于晉之郭璞謂無風以散之有水以界之也冀州之中三面距河處是為平陽蒲坂乃堯舜建都之地焉其東址之境是為幽州大行西來綿亘魏晉燕趙之境東極于醫巫閭山重崗疊阜鸞鳳峙而蛟龍走護持圍繞不知幾千萬重也其東一帶即汪洋大海稍北乃古之碣石稍南則九河浴日月而浸乾坤所以界之者又如此况居直址之地上應天垣之紫垣形勢全而風氣密我

太宗文皇帝初建藩于茲既而入正大統乃循成王宅各故事又于此而建都焉蓋王氣所在也前乎元

而為宋宋都汴梁前乎宋而為唐唐都于秦唐之前則兩漢前都秦而後洛皆非此州境也元人雖居于此然夷狄雜氣不足以當帝王之統惟我

朝得國之正同乎堯舜拓地之廣過于漢唐自古建都之地上下得天時下得地勢中得人心未有如今日者况此乃蘇秦所謂天府百二之國杜牧所謂王不得不可以為王之地是也漢初婁敬過洛陽見漢高祖曰陛下都洛欲與周室比隆哉上曰然敬曰秦地披山帶河四塞以為固卒然有急百萬之衆可立具也夫與人鬪不搯其吭拊其背未能制其勝也今陛

下按秦之故地此亦扼天下之吭而拊其背也上問張良良曰關中左殽函右隴蜀沃野千里南有巴蜀之饒北有胡苑之利阻三面而守以一面東制諸侯所謂金城千里天府之國也敬說是上即西都關中按此以來秦都長安之始漢光武車駕入洛陽幸南宮遂定都焉此後世建都洛陽之始諸葛亮至京口因觀秣陵山阜漢曰鍾山龍蟠石城虎踞此帝王之宅按自古帝王之都多在江北而江南形勢之地章帝金陵自孫吳都此繼以東晉宋齊梁陳終于南唐凡七代皆偏安一隅惟我

高皇帝定鼎金陵天下萬世之大利也

文皇帝遷都金臺天下萬世之大勢也蓋財賦出于東南而金陵為其會戎馬盛于西北而金臺為其樞用東南之財賦統西北之戎馬開闢以來未之有也

十二州

舜典肇有十二州十有二牧禹貢禹敷土隨山刊木奠高山大川周禮職方氏掌天下之圖乃辨九州之國使同貫利謂一天下之財用養天下之人民使同享其利漢地理志武帝開地斥境南置交趾北置朔方九州兼徐梁幽并夏商之制改雍曰涼改梁曰益

新鐫古今事物原始全書

卷三

七

類書類地理文獻集成

天北曰順天在

天子輦轂之下與諸司相頡頏不以直隸稱焉

九州

禹貢九州冀兗青徐揚荆豫梁雍雍周禮九州揚豫青兗雍幽冀并荆荆爾雅九州冀豫雍荆揚兗徐幽營周禮多幽并而少冀徐梁爾雅多幽營而少青梁或謂并青于徐分梁于雍舜肇有十二州分冀為幽并分青為營是禹貢之成前于舜典之故也

城郭

易坎之彖曰天險不可升也地險山川丘陵也王公

新鐫古今事物原始全書

卷三

八

中國歷史地理文獻輯刊

九十三部曰豫冀兗徐青荆揚益涼幽并交唐太宗以民少吏多悉并省之因山川形便分為十道曰關內曰河南曰河東曰河北曰山南曰隴右曰淮南曰江南曰劍南曰嶺南宋太宗分天下為十五路仁宗析為十八路神宗又析為二十三路曰京東東西曰京南南北曰河北東西曰河東曰陝西二路曰兩浙二路曰淮南東西曰江南東西曰荆湖南北曰成都等四路曰福建曰廣南東西曰燕山府

本朝內有兩京畿外有十三布政司畿內郡縣親領于六部故曰直隸而有南北之分惟內京府南白應

設險以守其國周禮有掌同掌修城郭溝池樹渠之固按漢書神農有石城十仞湯池百步軒轅本紀黃帝造五城淮南子曰鯀作九仞之城博物志曰大禹作城強者攻弱者守敵者戰城郭蓋自禹始然以軒轅本紀考之城池之利肇于神農盛于軒轅非鯀始矣而長城始于秦昭王于隴西北地築長城以拒胡後秦始皇信讖以為亡秦者胡也遂大築長城以拒胡胡殊不知其子胡亥而亡秦西都賦云金城萬雉注云方丈為堵三丈為雉公羊傳云五板而堵五堵而雉五雉而城天子之城千雉高七雉公侯百雉高

五雉子男五十雉音三雉按經異義曰天子城高九仞公侯七伯五子男三八曰管子曰內謂之城外謂之郭吳越春秋曰縣築城以衛君造郭以守民史記以為造城郭之始隍者何也按許慎說文云隍城池也易曰城復于隍是也

山

爾雅云有石曰山釋名云山頂曰冢山脊曰崗大而高曰嵩小而高曰岑銳而高曰嶠卑而大曰扈小而衆曰巋上大小曰嶠有草木曰岵無草木曰垺石戴土曰岵土戴石曰崔巍山足曰麓山穴曰岫未及

新鐫古今事
物原始全書

卷三

九
類書類地理
文獻集成

上曰翠微上秀者曰峯土山曰阜曲阜曰阿大阜曰陵小阜曰丘十洲記云海中山曰島海中洲曰嶼

水

文子曰水之道上天曰雨露下地曰江河北曰陽水南曰陰水山石間出者曰澗通流曰川水本曰源源水曰泉深水曰潭急水曰流沙石上水曰瀨別流曰派風吹水湧曰波大波曰濤小波曰淪平波曰瀾直波曰涇水朝夕而至曰潮風行水成紋曰漣水波如錦紋曰漪爾雅云山夾水曰澗水小口別通曰浦注溪曰谷小洲曰渚泉正出曰灇泉側出曰汎泉湧出

曰瀆水神曰天吳八首而八尾亦曰水伯大海之神曰陽侯濤神曰靈胥而馮夷河伯皆水神也

潮汐

說文云朝曰朝夕曰汐臨安志高麗圖經潮汐往來應期不爽為天地之至信山海經以為海鰐出入之度浮屠書以為神龍之變化海嶠志以為水盈月之盈虧盧肇以為日出于海衝擊而成侯博雅正之

四海

釋名云海者晦也主引濁穢東曰渤海西曰青海南曰張海北曰瀚海天下之水莫太于海萬川歸之無

新鐫古今事
物原始全書

卷三

十
中國歷史地理
文獻輯刊

止息而不盈而尾閭洩之莊子曰東海洩水之處名曰沃焦有一石方圓四萬里海水注之而不溢唐書會要曰天寶十年封東海為廣德公南海為廣利公西海為廣潤公北海為廣澤公宋真宗康定元年詔加東海神聖廣德王南海洪聖廣利王西海通聖廣潤王北海冲聖廣澤王南海之帝名儵音北北海之帝名忽中央海帝名曰渾沌而儵忽鑿渾沌之竅七日而渾沌死

五湖

水經曰五湖者射貴湖曰上湖曰洮湖曰瀾湖曰

湖或以鄱陽湖青草湖洞庭湖丹陽湖太湖為五湖或以洞庭湖應澤湖青草湖雲夢胡巴丘湖為五湖或以為太湖其派有五故名五湖炬按蕪州圖經云太湖接蘇常湖秀四州之界范蠡載西施而泛五湖當在此

三江

按禹貢云三江既入震澤底定岷為大江至九江為中江至徐陵為北江韋昭云三江者荊江松江浙江九江者一烏白江二蟬江三烏江四嘉靡江五畎江六源江七廩江八提江九茵江

三川

地理志云三川者河洛伊是也或曰經洛渭四川者成都潼州利州夔州是也

三河

唐都河東殷都河內周都河南為天下之中九河者一徒駭二太史三馬峽四覆釜五湖蘓六鈞盤七簡河八絮河九高津

九澤

一大陸二雷夏三大野四彭蠡五震澤六雲夢七滌澤八荷澤九孟諸寰宇記云八澤皆有一二餘里其

新鐫古今事
物原始全書

卷三

十一

類書類地理
文獻集成

小者雲夢澤亦方九百里

三峽

大明一統志云巴陵楚地有三峽曰明月峽巫峽廣澤峽

五嶽

泰山為東嶽在山東泰安州華山為西嶽在陝西華陰縣衙山為南嶽在湖廣衡山縣漢武帝以衙山遠以霍山代之恒山為北嶽在大同府渾源州中嶽嵩山在河南府登封縣唐會要曰武后垂拱四年封嵩嶽為大中王萬歲通天元年尊為皇帝中宗神龍元

新鐫古今事
物原始全書

卷三

十二

中國歷史地理
文獻輯刊

年復為王睿宗封為西嶽金天王開元十三年封泰山為天齊王天寶五年封中嶽為中天王南嶽為司天王北嶽安天王宋朝會要曰大中祥符元年詔泰山為天齊王加號仁聖天齊王四年二月西嶽順聖金天正二十六日又加號中天王為崇聖中天王五月加上中嶽曰中天崇聖帝東嶽曰天齊仁聖帝南嶽司天昭聖帝西嶽金天順聖帝北嶽曰安天元聖帝

五鎮

沂山為東鎮在青州臨朐縣吳山為西鎮在隴州會

稽山為南鎮在浙江山陰縣暨巫閭山為北鎮在遼東廣寧衛霍山為中鎮在山西霍州東西嶽鎮相去不遠北嶽北鎮相望千里而山脉一帶惟南嶽去南鎮三千餘里雖同在江南而隔絕不相屬中嶽中鎮南北對峙而黃河界之今

京師正當北嶽北鎮之中隋書云開皇十四年立冀鎮霍山祠天室十年正月始封東鎮沂山為東安公南鎮會嶧為承興公西鎮吳山為成德公中鎮霍山為應聖公北鎮暨巫閭山為廣寧公

五嶺

新鐫古今事
物原始全書

卷三

十三

類書類地理
文獻集成

張耳傳南有五嶺之成一大瘦嶺二始安嶺三臨賀嶺四桂陽嶺五揭陽嶺又云大瘦嶺贛州永明嶺道州白芒嶺道州臘嶺郴州越城嶺靖江

黃河

河圖云黃河出于崑崙山東北角剛山東北流千里折西而行至于蒲山南流千里至于華山太陰東流千里至于桓雍北流千里至于下津河水九曲長者九千里入于渤海

地

周禮大司徒掌輿地周知廣輪之數博物志曰地有

四柱三千六百軸犬牙相牽河圖括地象曰地有三百六十軸東西二億三萬三千里南北二億三萬一千五百里頃峻始學篇云天皇氏生于提地之國提地乃國石而土地國邑之有名自天皇氏始

府

漢制三公開府之始故稱三府魏晉以後諸王皆稱府唐高宗制總管府後改都督府開元三年始改京北河南曰府

郡縣

史記秦始皇初并天下始分天下為三十六郡置守

新鐫古今事
物原始全書

卷三

十四

中國歷史地理
文獻輯刊

丞尉各一人說文云天子地方千里分為百縣四郡秦孝公并諸小鄉為縣始皇以郡領縣隋開皇二年罷郡以縣隸州按周禮遂人掌邦之野以土地之圖經造縣鄙形體之法以五家為隣五隣為里四里為井五井為鄙五鄙為縣五縣為遂皆有地域溝樹之此成周六遂之法也然則縣亦周制云

山川名

按史記人皇以來而土地皆有名焉如神農生于厲山黃帝生于姬水此山川有名之始也又云人皇氏相厥山川分為九區又按尚書呂刑曰禹平水土主

名山川凡天下之山川無名者皆始名之矣

里路

山海經曰黃帝命豎亥步天地四海之內東西二萬八千里南北二萬六千里淮南子曰禹使大章步天地自東極至西極二十三萬三千五百里七十五步南極至北極二千三萬三千五百里七十五步又八極之廣東西二十三萬三千五百里南北二十三萬一千五百里黃帝有記里之車然則里路之記自黃帝始禮記五家為隣五隣為里尚書云六尺為步三百步為里井田

新鐫古今事物原始全書

卷三

十五

類書類地理
文獻集成

荊州記云神農既生九井自穿理或然也淮南子曰伯益作井世言市井者邑居為市野廬為井又云市者交易之處井者共汲之所分寧縣西二十里江心有雙井在山谷所居之南此水造茶絕妙白州雙角山下梁氏女美晉石崇以珠王三斛買之飲此井水者生女多美閭里以為女美無益以巨石鎮之以後生女雖美而肢體不完杜佑通典曰黃帝時八家為井井開四通而分八宅鑿井于中井之原其來尚矣而曰則始于黃帝立步制畝司馬法以六尺為步顧野王曰秦孝公以二百四十方為一畝方長六尺二

寸五分乃鈔尺五尺也周顯王時衛鞅變法廢井田之制開阡陌之始東平曰阡南北曰陌

苑囿

漢之上林苑即秦之舊園計三百里有離宮七十所漢武帝置甘泉苑五百四十里隋煬帝作園三百里其內為海十餘里為蓬萊方丈瀛州山高于水百餘尺按史記黃帝時麒麟遊于苑囿之始

市廛

易曰包犧氏作教民日中為市之始致天下之民聚天下之貨交易而退周禮司市掌市之治教民刑量

新鐫古今事物原始全書

卷三

十六

中國歷史地理
文獻輯刊

度禁令大市日昃而市而朝市朝時而市夕市夕時而市有胥師掌其次之政令平其貨賄焉有賈師注云知物價者各掌其貨賄辨其物而均平之漢武帝用桑弘羊置均輸官于郡國盡籠天下之貨貴則賣之賤則買之富商大賈亡所牟其利而物價不得騰踴抑天下之物名曰平準王莽于長安及五都立五均官按周官立五均官以均市價立錢府以收滯貨所以便民也今莽借五均錢府之說而立官是擾天下之貨也唐德宗以宦者為宮中市使又置白望數百人抑買人物以紅紫染故衣敗繒尺寸裂而給之

仍索進奉門戶及脚價錢名為官市其實奪之炬按周礼地官司市以次序分地而經市以陳肆办物而平市以政令禁物靡而均市以商賈阜貨而行市可謂立市法之善矣所謂廛者按許慎說文云廛者乃居民區域之稱孟子曰願受一廛而為氓是也

坊鎮

演義云坊者方也言人所居之里為方也漢官闕洛陽故宮有九字坊而太子之宮名曰春坊按史記周末殺義弘于蜀其血碧色數里之土色皆青故蜀有青泥坊然則坊之名始于周末時矣按周礼注揚州

會稽山霍州霍山青州沂山幽州醫巫閭山背山之重大者謂之四鎮史記云唐有藩鎮二朝雖有震之名末以為市鎮之設至後周武帝始置之

鄉遂

周礼大司徒施教法于邦国都鄙以五家為比使之相保五比為閭使之相受四閭為族使之相葬五族為黨使之相救五黨為州使之相調五州為鄉使之相賓此為天子畿內也此成周六鄉之制秦制十里一亭十亭一鄉漢時以鄉屬縣唐宋至今皆因之

村庄

新鐫古今事物原始全書

卷三

十七

類書類地理文獻集成

(原缺)

塢小障也董卓築塢于郿號萬歲塢呂布殺董卓于塢中有金三萬飭銀九萬飭積穀三十年之儲學記扁云古之教者家有塾三代間有之二十五家為閭閭在一巷上自有門上側有塾今云某處書塾是也

塾阪

設文云塾土隴也又冢也禮記適墓不登塾又田中高處通作龍塾龍三字通用孟子龍斷而登之是也說文云阪亦作坂山坡也王楊為益州刺史行至邛崃九折阪嘆曰奉先人之遺體奈何數乘此險王尊為刺史問曰此非王楊所畏之道邪叱其御曰驅之

新鐫古今事
物原始全書

卷三

二十

類書類地理
文獻集成

故漢史云王楊為孝子王尊為忠臣隋崔賁字祖濬隋煬帝問何處有羊腸阪曰按漢書上黨壺關縣有羊腸阪帝曰不是又曰按皇甫士安地理書太原地九十里有羊腸阪帝曰此是崔祖濬所以聞一知二

崑洞

臨安縣玲瓏山有九折崑盤屈九折直通絕頂茅君內傳云大天之內有洞三十六所第一洞天王屋山之洞周圍萬里名曰少清虛之天

冢墓

說文云冢高墳也胡中之草盡白惟昭君冢上之草

獨青故名青冢陳州柳湖有鉄墓乃陳胡公之墓恐有水浸以鉄錮之虞姬墓詩云劉項佳人總可憐英雄無設庇婢媼咸姬葬處君知否不及虞兮有墓田本朝洪武二年慮天下貧民多以水火葬有傷風化下禮部議民間死葬貧民無地所在官司擇近城空地設為義塚今之漏澤園是也

新鐫古今事
物原始全書

卷三

二十一

中國歷史地理
文獻輯刊

事物原始卷三終

事物原覽卷之三終

(明)梁禾 撰

可知編

明萬曆刻本

可知第五卷

錢塘 梁 牙天 慈
門人 歐其德 元生 校正

利集

地部

地第一九遙附

地釋義元氣重濁為地龜鑑陰氣下凝為地皇極經世地即天
之渣滓結聚要地者元氣之所生萬物之祖也說文地積土
重濁下凝之質萬物所由从土也意屬張氏衍義王者地
民何地衆之說唐時李氏阻伏而不誅也追而

可知編

卷五

一
類書類地理
文獻集成

然於是一地震孔_是陽伏於下_元迫於_陰故不_能以至
動程子凡地動是氣動_至地動只是_氣動動亦不遠_四
游之說_則未可知_收吾論地者其卦曰址其德曰母其神曰祗
亦曰媪大而名之曰黃地祗小而名之曰神州亦曰后土宋史
徽宗上地祗徽號曰承天效法厚德光大后土皇地祗周禮大
司徒掌天下土地之圖廣輪之數_{東西曰廣南北曰輪}博物志中國之地
左渤海右通流沙方而言之萬五千里東至蓬萊西至隴右後
鑿京北前及_後遼遼外紀炎帝之世南至交趾北至幽都東至
暘谷西至二危黃帝其地東至於海西至崑崙南至_大江北
至_方禺叢矣矣_故自黃帝畫野分州得百里之國萬區土而_與

可知編

卷五

二
中國歷史地理
文獻輯刊

可 知 編 卷五

二 中國歷史地理 文獻輯刊

創置九州以紀萬國通鑑外紀帝顓頊北至幽陵南至交趾西至流沙東至緡水帝堯定天下疆里遠近履歷之名帝舜地方五千里至北抵服南撫交趾北臨朔方折枝畢度氏菟北山慎息一作慎東長島夷禹貢冀州兗州之西淮河之北禹貢圖說冀州即今山西之太原平陽大同略安四府汾潞沁遼四州所屬河南之彰德懷慶衛輝三府所屬北京之順天順德真定保定河澗永平廣平七府大名府之滑縣濬縣宣府及今遼東鎮遼河之西北是故冀地最廣濟河惟兗州北南接齊河北距河禹貢圖說今山東東昌府濟南府西為齊河禹城北邑長清肥城青城陵縣泰安州所泰萊蕪德州德平平原武定勿信海東陵濱州利津無化蕪臺今州府所屬陽穀東阿平陰東汶上張直隸大名府所屬元城大名南樂清豐內黃開州長垣東明魏縣河南開封府所屬延津封丘原武陽武胙城海岱惟青州東北至海禹貢圖說今山東青萊登三府濟南所屬歷城章丘鄒平淄川長山新城濟東濟陽及遼東之遼水以東遼陽一丘鄒平淄川長山新城濟東濟陽及遼東之遼水以東遼陽一

路是北海岱及淮惟徐州徐州之域東至海南至淮北至岱禹貢圖說今南直隸徐州所屬淮安府沂水日照安丘諸城蒙陰兗州府所屬金鄉魚臺城父單縣濰州嘉祥鉅野鄆城曹州南境營縣定陶淮海惟陽州北至淮東